



Agencija za privatizaciju u FBiH

Profil za investitore

ENERGOPETROL

Maršala Tita 36., Sarajevo

Osnovni podaci
Historijat
Kapaciteti
Prilika za investitora



Kontakt:
Federalna agencija za privatizaciju
*387.33.586.231
marketing@apf.gov.ba

OSNOVNI PODACI

Historijat nekretnine, kapaciteti i osnovni podaci

12.4.1947.g. Rješenjem Vlade FNRJ osnovano trgovačko preduzeće za promet nafte i naftnih derivata "JUGOPETROL" Sarajevo, a **1950.** se pripaja preduzeću "BOSNA PETROL" Sarajevo i formiraju preduzeće za snadbijevanje naftom i naftnim derivatima „JUGOPETROL“ Sarajevo. **1973.g.** preimenovan u „HENA“ OOUR Marketing Sarajevo, koja se nakon nekoliko mjeseci kasnije pripaja "ENERGOINVEST"-u Sarajevo. U sklopu RO "ENERGOINVEST", **31.8.1973.g.** osniva se OOUR "ENERGOPETROL" Sarajevo sa poslovnicama: Banja Luka, Bosanski Brod, Mostar, Tuzla-Živinice, Zagreb i predstavništvo Ploče sa skladištima nafte. Osnivanjem SOUR-a ENERGOINVEST **1977.g.** dolazi do formiranja RO „ENERGOINVEST ENERGOPETROL“ Sarajevo i tom prilikom poslovnice prelaze u OOUR-e. U ovakvoj formi poslovanja preduzeće ostaje sve do **1990.g.** kada se formira Društveno preduzeće „ENERGOPETROL“ sa p.o. Sarajevo.

Društenopolitička situacija **90-tih godina** dovodi do pretvorbe društvenog preuzeća u dioničko društvo. Statusna promjena je nastala na osnovu odluke o izdvajanju internih dionica i odluke o promjeni statusa preduzeća organizovanjem dioničkog društva u mješovitoj svojini. Iz ovakve organizacione strukture **1991.g.** nastaje „ENERGOINVEST ENERGOPETROL“, preduzeće za promet nafte, naftnih derivata i prirodnog gasa d.d. u mješovitoj svojini sa p.o. Sarajevo. Ratne **1994.** godine, rješenjem Ministarstva Energetike i Industrije RBIH preduzeće „ENERGOINVEST ENERGOPETROL“ d.d. sa p.o. Sarajevo pripojeno je preduzeću „ENERGOINVEST“ d.d. sa p.o. Sarajevo, koji preuzima sva sredstva, prava i obaveze pripojenog preduzeća, održavajući kontinuitet poslovanja.

Promjena naziva i organizacione strukture se nastavlja. **1998 god.** osniva se društvo jednog lica pod nazivom „ENERGOINVEST ENERGOPETROL“ d.j.l., Sarajevo sa sjedištem u Sarajevu ul. Maršala Tita 36. Prema tom rješenju osnivač je „ENERGOINVEST“ d.d. Sarajevo.

Sve promjene koje nastaju u narednom periodu do **2004.** god odnose se uglavnom na promjene vrijednosti osnovne glavnice, usklađivanje vrijednosti osnovnog kapitala, kao i promjena lica ovlaštenih za zastupanje, promjena funkcije ovlaštene osobe kod ENERGOINVEST - Energopetrol d.j.l. Sarajevo.

06.05.2004. god. rješenjem Kantonalnog suda u Sarajevu firma je dobila naziv ENERGOPETROL“ d.d. Sarajevo

ENERGOPETROL Ukratko:




Energopetrol d.d. Sarajevo je vodeća bosanskohercegovačka naftna kompanija sa sjedištem u Sarajevu u Ul. Maršala Tita br. 36. Djelatnost koju obavlja je trgovina motornim gorivom i mazivom koja sa 64 benzinske pumpe upošljava oko 800 radnika.

Rješenjem općinskog suda u Sarajevu br.: 065-0-Reg-08-001074 dana **30.05.2008.g.** kao osnivači društva su registrovani:

- [1. MOL Hungarian Oil and Gas Plc Budimpešta](#)
- [2. INA Industrija nafte d.d. Zagreb](#)
- [3. Vlada Federacija Bosne i Hercegovine](#)
- [4. Ostali dioničari prema listi dioničara koja čini sastavni dio rješenja](#)

Finansijski pokazatelji ENERGOPETROL d.d. Sarajevo

Stavke iz Završnog Računa	2009	2010	2011	2012
Izraženo u konvertibilnim markama:				
Stalna sredstva	37.157.736	53.421.397	55.169.991	66.437.102
Tekuća sredstva	38.083.970	119.655.314	111.318.819	17.725.985
Gubitak iznad visine kapitala	0	11.670.010	43.107.991	79.518.456
UKUPNA AKTIVA	75.241.706	184.746.721	209.596.801	163.681.543
Kapital	575.511	50.000	0	0
Dugoročne obaveze	60.870.478	164.793.211	176.276.844	105.374.390
Kratkoročne obaveze	13.795.717	19.903.510	33.319.957	58.307.153
UKUPNA PASIVA	75.241.706	184.746.721	209.596.801	163.681.543
UKUPAN PRIHOD	158.248.583	254.847.969	265.177.553	200.009.622
UKUPAN RASHOD	168.689.560	267.043.490	296.665.534	236.420.088
Neto dobit/gubitak za period	-10.440.977	-12.195.521	-31.487.981	-36.410.466
Broj zaposlenih	817	822	756	824



Struktura zaposlenih, proizvodi i tržišta, misija i vizija...

Radna snaga

U Društvu je trenutno zaposleno oko 800 zaposlenika.

Od 2007. godine EP je članica INA-MOL grupe, jedne od najrespektabilnijih naftnih konzorcija centralne i jugoistočne Evrope. Razvoj EP-a kao buduće b-h karike u evropskom lancu naftnih proizvođača i snabdjevača je njihov glavni cilj. Na tom putu, odjel veleprodaje igra važnu ulogu.

Informacije o proizvodima, prodajnom asortimanu i kvalitetu:

Bijela roba - benzini i dieseli po evropskim BAS standardima.

Crna roba - lož-ulje, mazut, bitumen, polimerni bitumen i LPG po evropskim BAS standardima.

Ulja i maziva - veliki broj različitih lubrikanata koji idu u korak sa razvijanjem auto-industrije i prate njihove zahtjeve za kvalitetom.

Redovnu kontrolu kvaliteta i kvantiteta obavlja Služba kontrole kvaliteta i kvantiteta EP-a. Svaki proizvod u prodajnom asortimanu dostupan je uz odgovarajući certifikat o kvalitetu. Pri tome se prate aktuelni evropski trendovi u


oblasti kvaliteta i tako omogućava opskrba klijenata vrhunskim gorivom sa evropske scene. Pored INA-e i MOL-a, EP uspješno surađuje i sa Rafinerijom ulja Modriča, OLMA-om, NUIĆ ulja i maziva, te mnogim drugim domaćim i inostranim dobavljačima i proizvođačima čiji proizvodi mogu obogatiti prodajni asortiman i zadovoljiti zahtjeve kupaca.

Misija i vizija

Vizija: Biti vodeća kompanija za distribuciju nafte i naftnih proizvoda izdvajajući se po znanju, odnosu s potrošačima i prihodima bit među vodećim kompanijama u Bosni i Hercegovini, te naftna kompanija koja prepoznatljivim partnerskim pristupom ostvaruje više.

Misija: Stvaranje visokokvalitetnih usluga s markom koja osvaja povjerenje klijenata i potrošača. Cjelokupno poslovanje Energopetrola je zasnovano na poštovanju savremenih tržišnih zahtjeva iz oblasti pružanja usluga koristeći se savremenim tehnologijama i vodeći računa o zaštiti okoliša i društvenoj korisnosti.

MOL je vodeća integrisana firma za naftu i plin sa sjedištem u Budimpešti u Mađarskoj. Posluje na području EMEA regije (Evropa, Bliski Istok i Afrika) i u zemljama Zajednice Nezavisnih Država, te upošljava oko 34 000 ljudi širom svijeta



Vlasnička struktura:

MOL

INA

Vlada FBiH

Ostali dioničari

(Prema listi dioničara)

EP već dugi niz godina uspješno surađuje i posluje na području cijele BiH. Stalna su nastojanja za proširivanjem mreže zadovoljnih klijenata na način da se uvijek pokušava iznaći što povoljnije rješenje za klijente. Redovno izvještavanje klijenata i kupaca o promjeni cijena, uslovima potpisivanja ugovora, mogućim popustima i rabatima na količinu kao i ostale pogodnosti, stalna su praksa firme.



Maloprodajna mreža
 Energopetrol je vodeća kompanija za promet nafte i naftnih derivata u Bosni i Hercegovini sa 65 benzinskih stanica.



Energopetrol je jedina naftna kompanija koja ima svoje vlastite instalacije i vrši usluge punjenja aviona na međunarodnom aerodromu Sarajevo gorivom JET A-1, za šta posjeduje i odobrenje od međunarodnog udruženja avio prevoznika IATA. Plaćanje se može vršiti na odogodu (potpisivanjem ugovora), gotovinski ili karticama.

Pored toga što surađuje sa određenim transportnim kućama, EP organizuje i prevoz proizvoda za svoje kupce i klijente. Transportne tarife određene su za svaku vrstu robe, kao i za različita utovarna mjesta. Redovan prijevoz proizvoda EP vrši iz Hrvatske i Mađarske a istovarna mjesta su širom BiH.



U mrežama koje prihvataju MOL Gold kartice, MOL Gold kartica se može koristiti na oko 3 200 benzinskih stanica. MOL Gold kartica je prihvaćena na benzinskim stanicama MOL-a u Mađarskoj, Rumunjskoj, Srbiji i Sloveniji, zatim u MOL i Roth mreži u Austriji, na Slovnaftovim postajama u Slovačkoj, na INA i Tifon benzinskim stanicama u Hrvatskoj i na svim Energopetrolovim i određenim HoldINA benzinskim stanicama u Bosni i Hercegovini, te u API/IP mreži u Italiji.



Razlog za investiranje- nove vrijednosti:

Da bi se ostvarila vizija i poslovni plan bio efektivan on mora ponuditi dodatne vrijednosti i biti:

- usmjeren na tržište
- realan i ostvariv
- motivirajući
- specifičan i jasan
- razvojno orijentisan
- da vodi računa o tekućim preferencijama managamenta i vlasnika



- da ima razvijenu svijest o okolini u kojoj egzistira poduzeće
- da uredno upravlja resursima kojima raspolaže poduzeće
- da razvija specifičnu osposobljenost poduzeća

JAVNI POZIV ZA PRODAJU U TOKU!!!

Javni poziv za prodaju objavljen dana 05. februara 2014. godine.

Za više detalja posjetite našu web stranicu:

<http://www.apf.gov.ba>

ili nas kontaktirajte na neki od dole navedenih načina:

Ovaj profil urađen je isključivo za potrebe promocije Agencije za privatizaciju u FBiH i nastao je na osnovu do tada raspoloživih informacija o poslovanju predmetnog Društva. Za aktuelne informacije i sve eventualne nejasnoće izvolite nas kontaktirati na brojeve telefona date na dnu ovog materijala. APF ne daje garancije za tačnost gore navedenih podataka, te Vam preporučuje da za zvaničan pregled stanja u Društvu objavi Javnog poziva napravite vlastiti Due Dilligence.

[Agencija za privatizaciju u FBiH](#)

Alipašina 41

Sarajevo, 71000

Bosna i Hercegovina

<http://www.apf.gov.ba>

T: *387.33.586.231

F: *387.33.586.234

marketing@apf.gov.ba

iPhone & Android users scan this code:

